

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KEDUA,
PARLIMEN KEEMPAT BELAS**

PERTANYAAN : BUKAN LISAN

**DARIPADA : PUAN NURUL IZZAH BINTI ANWAR
[PERMATANG PAUH]**

SOALAN NO. 345

Minta **MENTERI PERTANIAN DAN INDUSTRI ASAS TANI** menyatakan bagaimana hak dan tradisi turun-temurun golongan petani (dari segi menyimpan, mengguna dan menjual benih) akan terjamin sekiranya RUU Benih Tanaman diluluskan, selari dengan "UN Declaration of the Rights of Peasants" yang mengesyorkan penghormatan dan perlindungan hak petani ke atas benih.

JAWAPAN

Tuan Yang di-Pertua,

1. Untuk makluman Yang Berhormat, Benih terkawal ialah apa-apa benih dari mana-mana spesies tumbuhan atau varieti yang mempunyai nilai komersil sebagaimana yang ditetapkan di dalam peraturan oleh Lembaga Kualiti Benih.
2. Penggubalan RUU Kualiti Benih Tanaman telah mengambil kira penghormatan dan perlindungan hak petani ke atas benih dengan menetapkan perkara-perkara seperti berikut:
 - i. RUU ini tidak melarang petani menanam, bertukar-tukar atau menjual benih tanaman yang dimiliki dikalangan para petani. Walaubagaimanapun, sekiranya petani hendak menjual varieti 'benih terkawal' yang dikeluarkannya sendiri, benih tersebut hendaklah berkualiti iaitu memenuhi standard minimum kualiti benih yang ditetapkan. Ini bagi memberikan hak kepada petani yang membeli untuk mendapatkan benih yang tulen dan berkualiti;

- ii. RUU ini digubal dengan mengambil kira permasalahan petani kecil dengan menyediakan klausa pengecualian kepada petani kecil menjual ‘benih terkawal’ dalam simpanan ladang mereka atas sebab bencana alam atau kecemasan atau faktor lain yang tidak dapat dielakkan. Pengecualian ini juga terpakai kepada mana-mana orang yang ingin menjalankan penyelidikan atau pembelajaran bagi menggalakkan percambahan ilmu dan penghasilan benih-benih varieti baru; dan
- iii. RUU ini juga memberikan hak kepada mana-mana orang yang berjaya mencipta benih varieti tanaman yang baru sebagai hak ekslusif dalam mendaftar benih varieti baru tersebut.

RUU ini digubal selari dengan “*UN Declaration of the Right of Peasants*” yang mana akan dibaca bersama dengan Akta Akses Kepada Sumber Biologi Dan Perkongsian Faedah 2017 [Akta 795] dan Akta Perlindungan Varieti Baru Tumbuhan 2004 [Akta 634].

Sekian, terima kasih.